

四庫全書存目叢書編纂委員會編


齊魯書社

四庫全書存目叢書

集部
第一四〇冊

責任編輯：孫言誠 賀 偉

ISBN 7-5333-0615-5



9 787533 306151 >

EB43/02

四庫全書存目叢書·集部一四〇

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

金壇古籍精裝印務有限公司印製

787×1092 毫米 16 開本 51 印張

1997 年 7 月第 1 版 1997 年 7 月第 1 次印刷

印數 1—100

ISBN 7-5333-0615-5

Z·60 集部定價：127800 圓

集部第一四〇冊目次

集部·別集類

新刻楊端潔公文集二十卷(二)

〔明〕楊時喬撰
山西省祁縣圖書館藏明天啓楊聞中刻本

.....一

王侍御類稿十六卷

〔明〕王圻撰
原北平圖書館藏明萬曆四十八年王思義刻本

.....一〇一

寶善堂稿二卷

〔明〕朱慎鍾撰
北京圖書館藏明萬曆三年刻本

.....五二〇

仲蔚先生集二十四卷附錄一卷

〔明〕俞允文撰
北京大學圖書館藏明萬曆十年程善定刻本

.....五五六

新刻楊端潔公文集二十卷

(二)

〔明〕楊時喬撰

山西省祁縣圖書館藏明天啓楊聞中

刻本

附《四庫全書總目·楊端潔集

無卷數》提要

新刻楊端潔公文集卷之十二

男聞中聖蹟輯

尺牘

啟陳心谷公

喬至鄙陋早不向學日遂無聞時光荏苒行誼衰薄誠所宜然今雖欲追圖力就莫能矣獨惟一念懿好所得于初不敢自昧依幹勉立不敢隨時苟同則有耿耿者尚自持耳以是于門下豈惟神交蓋亦有心企而躬及之者矣顧往者地時遠隔不能一侍今駐境上不得一

楊端潔公文集八卷之十二

修樞承執蓋之情匆匆而別卽後晤有約而分緣未知何似乃憶答道今人附此寄意且以代別言也生嘗見乎今時之所稱鉅公聞人者談學術以立解頌釋談文藝則飾章藻句門戶特立途徑肆開崇居皋席廣延游道名流爭集幟下而海內亦重之爲通達爲弘大而視夫履孝弟抱廉節慎交承端舉動若孟子所謂守先生之道者出則宣忠獻有仁澤敦儉朴覈功效若周子所謂處事精詳務名道理者皆以一節視之且鄙之以爲迂腐爲襲爲不達以此爲言卽以此爲行可知是以當

此時文餘勝寂藻繁鮮實史行鮮治者由此也生素無所知識而又智力不能前獨居暇時思欲得前所云處則守道出則盡道者以正之維之而又不爲異論搖奪流俗移易者以鎮之定之未之仰得則以所處者陋鄉僻壤所安者離群索居者也嘗聞門下道養二十年乃得見于今前此占守先生之道今此撫治江城則所謂處事精詳務盡道理日見之行矣海內方有召入中樞之願而權遂歸處之志顧門下之心可以對吾君吾民而履道爲學則又可以自信而信不肖者不肖不足言

楊端潔公文集卷之十二

二

三

而道在人人者則可証也今歸夫生未敢他有所言惟望加餐自愛潛修勿替中庸曰素隱行怪後世有述吾弗爲之君子遵道而行半途而廢吾弗能已則前此所存曾弗爲索隱怪行以微名當世自此以往慎勿已遵道初志是則鄙生矣陳之微見也卽以功業而論門下在銓曹業乎忠益而今以救民飢溺而歸其歸也民依之望之聖朝在上群賢在位昭鑒古之所指而加時惠民孰有過之者若清操播于寰宇召環在于旦夕餘事耳奚容言語曰百尺竿頭期並進生是啓本意如此

言冗不次幸惟炤原

啟孫質菴公

生以陋跡早引甘自弃于聖明之時昨者癘居重違大人長者推期真雅鄙心方媿而顧迂滯碌瑣諸態益集動成疎睽簡率極蒙心愛原我于形骸尺寸之表游我于春風和氣之中今之活潑蕩漾無復拘束此其情感之深矣頌之厚矣方以目前之別真有戀戀于思而不能一念置者顧可得而以言語謝乎乃仰承隆偏之頒俾鄙蔭暗室頓生彩色至榮至幸咎賢之大隱于朝小

楊端潔公文集卷之十二

三

三

隱于野喬病夫暨子也不知其坐立安知其隱仕卽日隱蓬蒿草茅間局樸處爾安能曰大乎而又何敢當大隱在朝之隆名乎業承大君子之賜則承施實承教矣謹時時代紳爲羨塙以申如覲如邇之懷也敬此專叩門牆爲啟以代人面之意統祈鑒秉不贅

與樊友軒公

儒者論治謂功在救時而業貴宣成敕郡舊本習俗淳簡十餘年來吏治稍偷殘戕舊風遂俾強橫肆行弱等不安當事者復處之以平易苟且姑息置強橫于不問

日長厚近民實則令其得志肆行勑善受凌凡所謂
弱者皆無告之民也竊嘗謂不得賢者易政而改舊
轍則將來斯民有不知所處雖有善者無能拯之也茲
奉台政嘉意甄別時施之以勸懲之法至于士試傳送
檢易日甚令真才之好學者不得進取其弊尤有甚于
民均荷垂正此其于治誠當乎救時者今績最政成之
時乃勞視篆小邑安民息盜極殫神焉合郡自舊冬前
米價踴貴民且無食今深沐膏潤米價平民得食耕種
且時窮苦鄉民咸戴澤矣夫以宣成之時而勤勞撫字
楊端潔公文集卷之十二

四

與陳協齋公

奉憲治教數月于茲其道政所惠德風所動舉合郡而
安養生全之卽喬鄙士依賴同之而仰懷教範則尤加

倍于此顧自春來日擬洗心潔志敬治市沾奉領雅誨
爲身心益尚以分緣淺薄誠意未積小冗後卽以微疴
因仍枕簟棲滯藥餌間凡數月至今未起爲是之由既
疎趨承且違下悃不啻鄙吝生真有鬱然方寸莫能
自解者矣所恃台仁俯炤之耳念惟計事更新群賢召
用而一時爲楚公所抑者簡用咸當而敝邦尚勞名賢
俯蒞竊以道計之想特命且至矣喬不鄙時時望之至
期定當仰求俯教也願俟願俟自舊冬來郡內米價踴
貴日食大艱乃首荷垂軫問閭彰之明禁而又不限價
楊端潔公文集卷之十二

五

不强民是爲王道順民之情是以二月來遂見稻梁溢
市强衆不得如舊者侵漁米價日減窮民得餐耕種且
時炎秋將奏自此後倘得雨暘時若氣序平和其所徵
于臺下之恩澤爲何如哉喬山居無他營念維若邵子
所謂願王政平五谷登爲祉耳以目今所見誠當爲民
一謝并致終前顧滯病如前所啟者暫耳未能容日稍
可卽當叩踵也

與樊友軒公

數月仰勞視篆今且成績大著此世道所藉以爲表儀

者也生不敏爲吾道敬慶之承諭義倉之舉自古救荒
衾策凡名賢君子皆欲爲之而有未及卽爲之而不能
久者則答賢所稱得人之難且舍始者無善事致之也
我翁垂念及此誠爲久大之業鄙生數十年里居嘗寃
心經營及人情地宜所宜答嘗言之今屢鑒于舍始乏
筆承者止此念耳且目前未有可談及者况舉事乎今
得我公留意其間竊念自甲申之春隨蒙頒示成式而
又不煩臺駕行他部又得上下同心意見不撓其事次
第而舉五年有成效矣今召命在卽時有不暇意者台
楊端溪公文集卷之十二

與王秦闕先生

久懷道範益二十年于茲矣計之地里則西北之于東
南相去數千悒之出處則門下高尚紅圍堅辭貴飾喬
以犬馬微疴竊祿未幾煩嘗引退殆量力綿薄不堪振
勵然耳蹉跎荏苒卽欲爲明時之所容與而捫心自揣
不克努力于強壯顧藉言于衰鈍恐非人情亦非道策

惟有林野耳分爲宜耳緣此之由是以于門下會晤未
會此心缺然何藉天之幸門下以訪知南游迂道微境
首承賜枉此在潛谷斗墟兩公爲過信而在門下爲俯
交厚誼高情盎然前修哲人道履風趣喬巍非薄何以
當長者之隆慙如此顧多匆多簡而風雨僊舟待送三
日間殊未盡請教衷曲又以門下然若之重不得扳留
爲之如何鄙意未申欲言未暢爲之如何較之傾蓋之
情則已見其端矣維纜牽將僅能數里別來殊深戀念
寤寐展轉不能自懈然既聞清論親炙雅客令人興起
楊端溪公文集卷之十二

與徐孺東兄

三十餘年習靜山中此兩年在舍雖欲入山不可得塵
勞駐足間處亦定答人有是言詎謂虛語哉若來諭則
未承矣唐凝菴高誼長公得第誠世美也第仕路意見
不同想兄所深知者此兄謂得青城令異傳或探及此

乎李克菴文學誼直節一時鮮儼時之進者皆有所常而然而此公中流砥柱誠知其不耐于此也難言哉聞鄒南皋公爰仲必召召即京卿矣張洪陽公行否倘知示我二十五年鄉居好與人爭地方時事屢以此見許于當路而祇以無求不能搖動其力言之于民未甚有濟竊意前此強壯時人猶望其用世今衰老不堪自當知止然亦戒之矣近惟友軒公相許可耳弟亦敬羨之其他未敢也條編馬事每十年郡公一至弟必首陳之欲改更第必言之至于何年貴邑曾有舉此者弟楊端潔公文集八卷之十二

八

言主生

與徐懷龍兄

今春一得侍範隨以臥疴未入城市尊節北上緣此未得于郊亭申餞送之私別後殊深仰想聞榮授四明之命此巨邦借台範以鎮之即見政成譽隆台垣之席方虛以俟此其常然亦必然者乃其地素稱難治亦稱易

理惟其難而易是以前蒞此諸君子皆兢業堅耐以處之及其績著秩進譽望無窮而吾鄉先達徐東溪公亦其一也門下弘才博蘊視此繁務有如庖解計今數月譽聞宣著協于上下生荷親愛之厚道誼之雅大有屬望于門下者今以兢業堅耐之日倦倦于側席聽斷之際宋人有語云萬丈高樓從地起蓋為士大夫初筮為郡邑者言之夫筮政郡邑有聲譽則實地既崇而厚行見入為公卿進為名臣皆從其崇而厚者致之所謂轉盼而上爾前宋諸鉅卿賢哲皆自為郡邑起家者以此楊端潔公文集八卷之十二

九

三百五十三

統惟原亮

與王介峰公

曩歲得一啟候寥寥日久乃昨者因便越中率爾奉楮殊未悉所私顧以地隔千里而浙上與敝壤江鄉往來

若日日有之緣此脩聞德政日施日大而荒歉釋民所
藉以全活者甚衆此仁澤所貽可謂裕時傳後者也企
慕何如顧念佳績久在當宁敷歷日深定當簡在絲綸
之地此非漫言誠輿情屬望同然顧借節臨江省之望
實時時訊期焉者遠勞翰教隆儀高誼厚雅溢然分表
附此申謝并布候私統惟炤亮不盡欲言

與郁定宇公

江上奉晤匆匆分袂殊令人時時動思也此時慶知尊
太母老夫人福壽益樂庭下麟趾鳳瑞想斷集美便中
楊端潔公文集卷之十二

十

二日六三排

幸示知快我懸切生處山中日久心意懣懣以自達爲
是卽游塵世網眞夢寐念慮之所不入仕林愛我者厚
之而未嘗有真知者乃猶有牽引之說茲者幸有識其
無求聊自足懇衷曾止其前意信然則縱我山林安矣
竊嘗謂士人不肯以平生逐出處孰得以出處累平生
顧嗟嗟所爭虛名細事耳今欲以不爭爲高人亦以其
不爭爲是此意難以言悉惟門下道義貴重乃敢畧而
一二也何欲求遵撰爲先世光彩蓋得鼎章卽可代三
階之施所謂一言華衮者也非羨乎彼欲借此以爲之

代也鄙意正以彼爲虛榮倘得此荷垂允則微實惠于
門下其榮當有過于彼者矣容冬杪專請也近者敝鄉
荒旱百年所無未知將來何如京華春來時事上下
門下至交者古人一笑功名而乃紛紛若是然非野人
所望風而得閑談者也偶便附此候問綏侍幸鑒之敬
具新茶一簣共五封因行者速甚聊以寄意統惟晒存
洪陽公聞得允疏此龍潛之會豫章兩公出而復處卽
日大人利見幸惟精覽羣藝書無曰雲笈內典可以順
神養真專留意于此也何如

楊端潔公文集卷之十二

十一

徐三十七

與徐玄度

前忽聞尊翁有計令人驚痛而猶覺其妄傳次日則人
不敢言矣竊爲疑之來翰見及真有淚難禁而嘆叵測
物忌如此奈何顧功業久著名望獨隆卽管壘之志未
大遂而功名則標之百代况山陰之血食無窮廟堂之
汗青永在此之朝聞無憾特以友朋之箴規未交修于
歲晚君相之簡畀未顯用于他年尚抱千古之憾者爲
何如也得足下青年妙質所望于有賢子者只繼述先
往志事爲大以不肖後死有深懇切者願足下勿志翫

翻佳公子只作癯癯朴儒生卽可以紹聞家德于不朽
矣權此爲慰幸諒之聞欲卜地裏事此目前最大者第
堪輿家陰陰之說不可深信惟得水土之宜以妥亾者
勿久停爲是其地當得明白之山不可尋覓人祖壠侵
損其枯體則彼往者旣寧而今者亦安矣所謂心術之
正卽天祐之存塊土尺穴未有能勝天主張造化者也
此皆公家世德乃敢及之本當卽專人奉奠承諭權待
秋季萬惟玆玉勿過傷亦勿外飾遠游以光先德實憊
憊者也

楊端潔公文集卷之十二

十一

徐商平

與孫質菴公

敝鄉素叨蒞鎮六年歲穀豐登日被安養可謂熙和矣
乃自舊冬之霜雪春少雷雨季春屢能耕種自五月至
今不雨連遭亢暘重遇狂風以致早稻空花不實遲稻
焦草無叢民困甚極隨處赤地有無一粒者卽有低地
近水于十分中或有一二分者然亦有穀無實不足療
飢至今冬交春又不知作何狀是爲貧富皆窮矣日者
荷我郡邑諸公祖父母覈實上申合郡萬姓士民皆以
我翁德政在人素霑恩養今在臺端視此爲封疆之內

其推恩施仁卽與在治同辛借卽言道此拯困實數百
年所未有萬生所繫命者幸煩兩臺老公祖早賜題諒
糧稅悉免征實爲翹首若貧民單戶以農畝爲生者旣
無稻穀目今沿坵乾土稔種難布冬收必乏卽有秋雨
難以挽回其旱暵之氣而復甦乎旣枯之菜蔬况累爰
乎鄉氓難以相保力役條編無能追征糧稅之免惟有
田者受惠未始及于鄉市窮民惟減窮民力役之征乃
有所益爾愚悃欲乞諸大公祖請減糧稅外再煩于窮
民條編之蠲誠知糧稅自來有蠲例而條編無之目今

楊端潔公文集卷之十二

十二

徐商平

窮民事勢迫感卽不蠲而追亦必無有然與其追而無
不如蠲之爲是以安民也生又知條編力差乃公家之
用度不可缺者然亦在諸大公祖設法以處或于庫藏
他金權處或權借支應公家之用以俟來歲豐成日追
抵補亦草茅一策也生誠知人微言輕豈敢出位爲言
極恃我翁德政嘉賑窮困前此明效昭著四境斯民感
誦是以竊有所焉茲因舊部士民萬口之委遂敬附陳
誠知僭妄不敢輒以書請亦非生之素守顧閭里燃眉
之際乃恃仁心仁政浹洽常然故敢及之不莊不恪幸

俯賜詳覽轉鄙言于諸老公祖之前倘得如祈則斯更
生皆台恩也臨楮懇切

與王信南兄

兩承翰示備見愛念且聞宦履清社令人慶快吾地自
春少雨至夏猶然凡亢暘者三月屢能種秧種蕪遂枯
稿間有傍水者亦以含花之日連旬狂風城郊內外未
嘗有寸粒而入秋尙旱種難布目前無食貧富皆同
此誠百年未見者一旦遇此困苦饑饉不獨衆人卽不
肖躬耕力業農畝非多乃今不能數斗之收枵腹可待
楊端潔公文集卷之十二

十四

一百五十六

未知將來何如計所欲聞乃及之茲因樊公祖奉欽召
行附此代意向者奉啟隨勞轉達于謝養和公具見知
信之誼此度所取江省獨多如樊公祖之賢人品學行
心體治政誠一時稱最于吾郡邑最有功德所稱濟民
救時蓋實語也今此入都必得省垣大拜乃爲稱其功
德而于吾郡邑有光尤士民所同籍以爲慶者也惟我
翁丈舊治懿好倘見養和公一贊成之尤至幸者生不
敢以書入都恃愛力陳衷臆如此其地方荒歉之甚卽
數日內民憤皇皇思欲留公祖而不可得扳臥之際係

戀之情何其入民之如此不盡欲言總容別布

與吳悟齋公

喬早荷知愛前我翁養潛之時則存注至隆今居端揆
之時則推轂至懇其所以俯垂特拔見于交游之所傳
述翰諭之所誨示者可謂有嘉不已顧喬本以劣陋不
堪昨夏緣困疴瀝陳乞假蓋其實情亦其本分宜然豈
其敢自弃自外于門牆之後哉隨蒙聖明允俞俯遂初
服榮幸倍常小仵旋捧傳珍教佳頒面領溫諭令歸示
之語益見至德弘愛有眷眷不忘之雅感之藏之有一
楊端潔公文集卷之十二

十五

一百五十七

刻不能釋念者矣屢欲修啟以謝以癖居荒邈不宜輒
以書通所藉以爲慶者惟願衡軸大諸政本尊居以彰
久大乃其惓切下衷爾生又處山鄉力耕自給心所期
願惟邵康節先生所謂王政平五穀登窩中得康寧爾
乃今則有不能者以前昨兩年旱澇相仍穀粟半收氏
家亦既空矣今入春少雨夏乃亢暘連三月有餘復遇
狂風禾稻枯稿幾于赤地不得一粒此其災變實救鄉
百年所未有而一旦遇之事勢極爲窮迫將來未知何
態近撫按公祖方採民災患之實欲祈聖明頒寬恤之

恩所望于達民窮宣天恩者實惟我翁是賴焉且聞敕省閩楚亦然而敕郡接壤貴鄉今亦若此偶因敕郡推樊君以職事北上萬姓嗷嗷待哺乃敬陳于臺下誠知草茅僭妄出位非分以我翁仁人君子在上萬物一體敢乞俯惠允納于議得賜主裁早蒙蠲租寬役之詔下于九重民得更生再甦皆洪恩之賜也敕郡之感戴其寧有窮哉語欠不恭統惟台炤

與曾見臺公

弟久山棲跡遐心鄙荷台範以三十年道義之知鄉水

楊端潔公文集卷之十二

末

三百五十五

一脉之雅時時垂念推轂旣登進之又從而護其短拯其長鄙生以寸長尺短不能當特達之知而在兩情則可謂周且密矣舊秋以沉疴歷疏極知有負至愛而自揆微分弱質當如是耳非有矯也小伾旋深荷俯注錄屏山丈歸又道之令人感激無既生以僻處鄉山卽敕郡城市鮮接簡與是以懸情倍切而衷願未達以此也遠瞻德業日盛士望夙歸勳庸日臻聖眷嘉薦鉉銓軸仰賴端乘所係于蒼黎吾道者旦夕倚之茲者大工奏緒見之而爲不茹不吐無激無隨之美所節約于營

虞水屯錢者甚夥而又克致海內征需增賦功德實在社稷海宇其誰不知然亦當旌常永識之矣弟以投野至久力農自給如得兩賜時若年穀豐登則所謂無事此淨坐一日當二日者可勉幾也乃以今春不雨入夏旱暵爲災禾苗立稿間有近水含花將實之時又遇風伯峻厲盡數飄削入秋亢暑益烈乾上沿垣秋種難布萬姓啼飢將來事變難言况敕郡界漸之微處閩之建延直之池太閩之諸所旱傷亦如此則艱食之民流移嘯聚敕郡實其江鄉上流倘一搖動則全省可知也此

楊端潔公文集卷之十二

十七

三百五十六

誠自年未有之變今忽遇之邇荷吾省諸公祖將以寬上聞然未必其卽得請也幸惟我翁表儀當世德譽素孚所願于達此困態贊助于諸老先生之前以祈恩宣九重悉蠲常賦又別推廣以賑贍之庶幾其有廖乎因便附陳誠知冒分統惟嘉念桑梓胞與鑒此惓切不鄙狂率幸甚

與陳心谷公

嬰勞節鉞俯鎮江城弘濟鎮定令業炳炳今此道隱行修維範善俗遂令海內稱躬行者首門下此其較之言

詮禪宗而微名高一代實則真偽純駁當有辨之者顧時方尚彼縱實而純亦將以爲跡爲外而視之士君子所以潛隱不求人知不徇世好者此也門下可以自信矣前具啟方申未發而俞公祖臨部承枉鄉間始得首詢台祉則道有隆養東山隣光旁及益見文明之兆彰大君子清修苦節空囊薄廩也見問勿別未悉詳的殊令人懷切因知貴鄉旱荒徧野其在清範誠有處之惟難者第聞召命在即則祿仕爲貧在答名公鉅卿爲然大道遇時其憐然可知也願望願望敝鄉忽遇數百年楊端潔公文集卷之十二 六

與鄧潛谷公

違教日久思欲一侍晤者其素心也亦積誠也緣久痼抱滯未嘗出門卽地同湖東里不五百一力一舟可行者乃亦察察如此往歲荷敬菴公爲之兩約亦未能遂所謂蹉過良遇至今歉然前此數書未通惟有懷情耿耿逢人道吾鄉有隱君子斯道有宗依主則固未嘗一

刻不翹切于左右也昨歲因貴郡林公人便得附一戇隨蒙翰荅眞如覲侍今夏忽蒙王秦闕先生見枉詳示乃知門下推愛俯嘉者眞切并致其深信門下者而亦信鄙生願生樗櫟荒謬何以當斯心契當其時適雨水連旬秦丈貴體違和歸情又速未悉傾倒欲言得見其篋間所存翰札鄙心欲效言于秦丈并欲堅速其早歸者翰札脩陳之美國器公德器雅定才猷鍊達發言處事動有條理其得于家學庭範者深也敬慶別時面約歸途過此得叙心曲兼附戲候并知秦丈行次消息數楊端潔公文集卷之十二 九

與吳景山公

敝鄉至邇德里異省實爲比隣且以夙有懿好斗瞻在念數十餘年未嘗懈也屢欲追趨武夷聽教叙益時意皆違加以賤恙爲梗卽尺素辭投况會晤乎昨荷垂念佳教先施旣因翔具謝隨蒙札雲篋種種心畫妙刻

頤台梓遠臨拜使登嘉祇期即得專謝適春間煙雨修阻遂不能致下情惟有望浦雲勞寸思爾頻詢道養尊遠徘徊怡愉邁跡往哲顧廟堂虛席蒼生矚願即此東山詎能久居生以癖隱本揆非陋亦爲積疴藉此稍攝非能真有恬然足適于此者也獨以異地未能一談心曲徒抱想像于時時焉耳茲敬介梓少佈候謝言不既情時又後期未能修儀聊以見素心于交交者如此

與吳景山公

承教論異同之旨極見厚雅曩者張陽和公游于武夷

楊端潔公文集卷之十二

壬

三百五十四

聆清論後過葛陽遇生語及游所與門下合併與米能合併之意生謬荅以心本合併而意見與議論不合不併乃所謂大同也奚在于拘拘必欲同哉茲荷愛謹以前語張公者復猶惜乎張公之好遽爲古人往也權此奉謝種種不旣總俟另戲詳之

與許頴陽公

第藉天之祐得附藉而進奉違二十餘年樞侍未緣茲數年者恭逢聖明在御勲德在位俊義盈列推讓藹濟偏于穹宇第自揆鄙劣不堪效役校林最卑乃在林間

亦惟安其常分守其癡趣不敢有所異慕營求門外而實未嘗稍效奔走得尺寸樹立分毫砥礪以荅聖朝恩遇以副門牆期許荷我翁綸拔之仁矜容之度昨歲幸再側名清班步趨群材甚爲榮幸第仍自揆不能屢乞歸假旣而勉步滁陽隨卽南歸一還舊服沉疴如舊舊夏再乞仰蒙聖明賜告實荷我翁甄培曲成之德感激彌深益以進止遂平生之微志出處成禮義之大分允至榮幸舊秋小仵自都旋奉領我翁綸教倦倦于雅轍之推敝簪之顧儼然大易九三爻辭之占其爲天地之

楊端潔公文集卷之十二

壬

三百五十四

仁愛無窮展誦開時時銘刻敬當具啟上謝以申下私輒以微藐野踪不當以書上混尊嚴惟有鄙心時時爲懷耳乃所自慶者目前同籍在職事者似辰星獨賴我翁德威體尊爲同籍重卽初上瀛州之選今亦似辰星獨賴我翁德威體尊爲瀛選重然此則以秩位言之若道契明諸績成鞏固其休休好彥容材至量所以孚信于善類者超邁等常然此猶以勲庸言之第碌碌無知竊讀舊史自來居密勿者時皆數公自虞庭周室諸君子一心共政協恭和衷外至宋則若韓范富歐諸君子

所謂上殿相爭下則不失和氣爲當代所稱顧考其當時所行事其意見其謀猷亦未嘗盡爲大同夫在諸君子迺然若其後至今大都兩賢相聚則各欲自行其意見兩材相議則各欲自展其謀猷而終不能以大同往爲然上俾廟謨難定于一是下俾群策難達于所從治理由之具趣者以此也今幸我翁本恬淡惟一之性敦中立不倚之操日同諸老先生端居政本一心共政協恭和衷視前所謂欲自行其意見自展其謀猷者一如太虛無纖毫此念此其在我翁道由素蘊而行

楊端潔公文集卷之十二

三二

初非有意爲然在海內仰望樂見則以爲至難至美者也是以數年而來主德純一天運泰和其志大行其業不著此又其至難至美者也第遠聽之有仰衷而爲此說者非敢有所頌規于其間也因此想見我翁一段忠誠純至最爲古今至難至美者是以爰附陳之惟冀永肩如一將並隆于虞周諸君子而仰禪聖朝得以媲美二代其爲慶企當何如哉第不敏洗拭嬉游于太平其願慰又當何如哉第在山夙親農畝杜門蓬衡門戶鮮入絕踪城市今偶值歲歉支吾甚艱矧復年力遲鈍

歲華荏苒然猶不敢自怠卽兢兢業業繼晷將以不負所學所知其如力不從心乎何稍能怡愉歲晚清適自裕如兼葭伊人順昌山人以畢餘生亦其願也久未嘗見客昨歲聞鉛山少尹君得民譽而贊之今秋遇經鄧公祖來得見雅美之詢之二君皆爲我翁大庭名裔卽重二君而益重大庭家教淵源之自也茲因便使修啟申候誠知無書政府自是士人常分實以我翁道義肉骨之愛有在于聲氣形神之外者敬齋沐修此以謝至教倦念之厚且以見二君推愛相存之殷者也統惟昭

楊端潔公文集卷之十二

三三

與孫質菴公

數年荷我翁德政弘著嘉惠生輩至懇乃未嘗申一言之酬殊爲抱歉而乘時平暇理修郡乘尤大君子觀風立政彰之久遠生卽不文不能當採述而折枝之役出于長者屢命萬有不當遲者所以遲者則有說焉以十年前撫臺行續增通志臺檄令庠博諸生成稿美旣而委生稽實考正生卽于建置山川畧潤成之尚未及于人物也而稿中人物雖然混陳且多當時有在

役諸生欲入其家世而爲輿論所未與也業已闕然兢之遂令諸公皆不敢承生亦退避不敢前矣然此其往事耳至于前歲恭承台命而述作之任賴有名賢主之是以生敬承之不辭者以其易易也况屢聞鄉先達言敝鄉舊志主裁于一二達者多視爲泛常假手于其家一二好事者筆削不公不明俾賢者尚遺否者多錄當趣此時一爲修削庶幾前哲不泯否者不得倖存乃爲實錄卽未必一一皆當亦見後進表揚之心耳前孺東丈同有此心雖舊歲未得竣事以應尊委而其不欲負

楊端潔公文集

卷之十二

二十四

三百六十五

不敢虛之心則惓惓也生曾如前歲所請力稽諸宦游與產于此土者詳錄之篋中俟與孺東丈訂成之以獻不期多務侵尋而孺東丈舊夏因薊溪有一二士人其先世爲輿論所未足恐其見遺而亦閔之如往者是以孺東丈未卽前者爲此也生嘗稽實往哲近見吉安志辨別失是南昌志尤紛紛衆意未平卽紹興志之公嚴而亦多口蓋時事遷徙衆情不古凡叨士列皆欲著名美傳乃爲孝慈本分不然必歸咎于任事者多口之憎難于免矣此弊今時悉然昨聞紹興志先定人而後檄

取事實以爲傳此猶省于紛紛求請之弊今敝鄉人材以三十年前爲頗充生誠知不及此奉命入之于志則世遠見遺何以徵信是後學之責也昨見諸邑採訪已多皆係邇者富貴家子姓自爲之而賢哲者多未登錄如此卽書亦賢者遺而否者進非公正之道苟辨別其間則彼之子姓將以見錄上矣而遺之者誰歟必致閔而爭之如往者卽勉成錄必致紛紛之口如吉南事將任志事者併其人品不足議矣是以生心欲奉尊委而逡巡未敢者以此况孺東丈已爲古人則獨見不閔于

楊端潔公文集

卷之十二

二十五

三百六十六

理不得公是雖勉強效顰竣事亦將如吉南任事有不公明致紛紛以有兩郡公祖初命盛心生又有不敢以是其爲易易者業曾領雅命考舊志採新蹟以地方要宜待病體稍造與時有暇述爲信私志用傳將來庶幾見鄙意而亦以彰道政于有永也顧此就新志未成時言之耳容俟訪得敝鄉有可祇事不負臺委可竣役者旁求其人言于俞公祖俾受之事生則謹以前所採事蹟付之酌成之庶幾藉此役之竣以仰答大人君子下委之初志也言誠縷縷盡述其不逮之由非敢有所退